



## Ordinaziun da promoziun gimnasi

Dals 25 da zercladur 2019 (stadi dals 1. avust 2019)

### Notas

Las prestaziuns vegnan validadas cun las suandantas entiras e mesas notas:

6 fitg bun	3 insufficient
5 bun	2 debel
4 sufficient	1 fitg debel

### Indicaziuns sbagliadas en l'attestat

En cas da sbagls cun endatar notas u absenzas, ston ins inoltrar **entaifer 10 dis** suenter la püpublicaziun da l'attestat ina dumonda da correctura en scrit a la commembra u al commember responsabel da la direcziun. Suenter ch'il termin da recurs è scadi, na pon ins betg pli far correcturas da notas u d'absenzas.

### Promoziun

Extract da l'ordinaziun davart il gimnasi dal chantun Grischun decretà da la regenza ils 25 da zercladur 2019 (stadi dals 1. avust 2019).

#### Art. 9 Attestat, rapport

<sup>1</sup> Mintgamai a la fin dal semester vegn publitgà l'attestat u communitgà a la scolara ed al scolar. L'attestat cuntogna almain la validaziun da las prestaziuns en ils roms da promoziun sco era ina remartga davart pussaivels departaments manglus da la scolara u dal scolar.

<sup>2</sup> Persunas cun la tgira geniturala e las scolaras ed ils scolars pon ultra da quai vegnir orientads cun rapports en scrit da la direcziun.

<sup>3</sup> Roms instruids en moda immersiva sco era roms relevants per la promoziun, per ils quals i dat ina dispensaziun, vegnan signalads correspudentamain.

#### Art. 10 Promoziuns

<sup>1</sup> Per las prestaziuns en l'attestat vegnan applitgadas entiras e mesas notas. 6 è la meglra nota, 1 è la mendra nota. Notas sut 4 represchantan prestaziuns insufficientas.

<sup>2</sup> Per singuls roms che n'han nagin effect per la promoziun pon ins desister da dar notas.

<sup>3</sup> La direcziun da la scola relascha directivas internas per dar notas.

#### Art. 11 Departament manglus

<sup>1</sup> Remartgas davart departament manglus vegnan nudadas en l'attestat, sche la direcziun u la conferenza dals magisters e da las magistras da la classa prendan ina tala decisiun.

<sup>2</sup> Departaments manglus vegnan classificads cun «betg adina cuntentaivel» o «crititgabel/insufficient».

#### Art. 12 Cumpetenzas dal rom basalas per l'abiltad da studi generala

<sup>1</sup> Las cumpetenzas basalas da l'emprima lingua sco era da matematica per l'abiltad da studigenerala vegnan examinadas e validadas per regla en l'emprim enfin il terz onn da scolaziun dal gimnasi da quatter onns. La nota cuntantschida vegn integrada en il rom correspudent per calcular la media da las notas en il segund attestat.

<sup>2</sup> Scolars e scolaras cun rumantsch u talian sco emprima lingua vegnan examinads en lur cumpetenzas basalas dal tudestg sco emprima lingua.

<sup>3</sup> Sche las notas èn sut 4, n'èn las cumpetenzas basalas en il rom correspudent betg vegnidas cuntanschidas. L'examen sto vegnir repeti en il semester sequent. La nota da l'examen da repetiziun na vegn betg integrada en la calculaziun da la media da la nota en il rom correspudent.

<sup>4</sup> En l'attestat dal segund, terz e quart onn da scolaziun vegn nudà sche la scolara u il scolar ha cuntanschì u betg cuntanschì las cumpetenzas basalas da l'emprima lingua e da la matematica per l'abiltad da studi.

### **Art. 13 Basa da calculaziun, nota da promoziun**

<sup>1</sup> Sco la basa da calculaziun da la promoziun al gimnasi vegnan duvradas las notas da l'emprim e dal segund attestat.

<sup>2</sup> La nota da promoziun per mintga rom vegn calculada sco media (betg arrundada) da la nota da l'emprim e dal segund attestat.

### **Art. 14 Certificats da lingua, lavur interdisciplinara**

<sup>1</sup> En la classa finala vegnan prestaziuns d'examen da certificats da lingua externs resguardadas cun 50% en il segund attestat dal rom da basa englais. L'uffizi relascha las directivas per midar la validaziun da la prestaziun dals certificats externs en ina nota.

<sup>2</sup> Scolars e scolaras cun l'emprima lingua talian èn obligads d'absolver entaifer ils davos dus onns da lur scolaziun dal gimnasi da quatter onns in certificat da lingua en tudestg sin il nivel C1 (tenor il rom da referenza europeic per las linguas).

<sup>3</sup> La lavur interdisciplinara, che vegn scritta en il segund u terz onn da la scolaziun dal gimnasi da quatter onns, vegn validada ed inclusa cun 25% en la nota dal segund attestat dals roms correspundents da l'onn da scola, en il qual la lavur è vegnida scritta. La direcziun da la scola infurmescha ils scolars respectivamain las scolaras avant l'entschatta da la lavur en tge roms che la nota vegn quintada.

### **Art. 15 Roms da promoziun**

<sup>1</sup> Roms da promoziun al gimnasi èn ils roms da basa, ils roms d'accent ed ils roms complementars.

<sup>2</sup> Ulteriurs roms da promoziun èn ils roms informatica, introducziun en l'economia e dretg, gimnastica e sport, l'introducziun en la fisica e chemia sco era latin e quai en quels onns da scola, nua ch'ils roms vegnan instruids.

<sup>3</sup> La lavur damatura vala era sco ulterior rom da promoziun e la nota vegn nudada en il segund attestat da la classa finala.

<sup>4</sup> Fin il pli tard a partir dal segund onn da scola dal gimnasi da quatter onns ston ils scolars e las scolaras eleger ubain il rom da basa furmaziun creativa ubain il rom da basa musica dal champ da l'art.

### **Art. 16 Cundiziuns da promoziun**

<sup>1</sup> La promoziun è cuntanschida, sche:

A) il dubel da la summa da tut las divergenzas da las notas da promoziun sut 4 n'è betg pli gronda che la summa da tut las divergenzas da las notas da promoziun sur 4;

B) e sch'i na dat en il segund attestat betg dapli che trais notas sut 4 al progimansi, e pli tard betg dapli che quatter notas sut 4.

C) nagina nota sutpassa la valita da 2.5.

<sup>2</sup> Decisiuns davart la nunpromoziun vegnan communitgadas a las persunas che han la tgira geniturala u a las scolaras ed als scolars maiorens.

### **Art. 17 Repetiziun**

<sup>1</sup> Tgi che na vegn betg promovì duas giadas fin a la classa finala, vegn exclus dal gimnasi.

<sup>2</sup> La classa finala po vegnir repetida ina giada.